



Ein cyf/Our ref DB/00609/23
Ashok Ahir a Pedr ap Llwyd
Llywydd a Phrif Weithredwr
Llyfrgell Genedlaethol Cymru

ashok.ahir@llyfrgell.cymru
pedr.ap.llwyd@llyfrgell.cymru

06 Hydref 2023

Annwyl Ashok a Pedr,

Diolch am eich gohebiaeth ar 6 Medi am y gwaith ymchwil diweddar i bresenoldeb posibl Concrit Awyredig Awtoclafiedig Cyfnerth (RAAC) yn Llyfrgell Genedlaethol Cymru yn Aberystwyth.

Rwy'n deall gan swyddogion fod yr ymchwiliad wedi'i gwblhau ac rwy'n falch o glywed nad oes unrhyw RAAC yn adeiladau'r llyfrgell. Mae trefn arolygu reolaidd a sicrhau bod adeiladau'n cael eu cynnal a'u cadw'n iawn yn helpu i nodi unrhyw broblemau mewn perthynas â RAAC yn gynnar.

Yn eich llythyr, gwnaethoch hefyd ofyn am ganllawiau perthnasol ar RAAC. Rydym yn parhau i argymhell bod y canllawiau presennol gan Sefydliad y Peirianwyr Strwythurol yn cael eu defnyddio i archwilio ac asesu presenoldeb RAAC mewn adeiladau cyhoeddus. Mae eu canllawiau atodol, a gyhoeddwyd eleni, yn cynnwys cyngor ar asesu risg, adfer a rheoli pan ganfyddir bod RAAC yn bresennol.

<https://www.istructe.org/resources/guidance/reinforced-autoclaved-aerated-concrete-guidance/>

Ar hyn o bryd mae Llywodraeth Cymru wrthi'n datblygu tudalen Cwestiynau Cyffredin ynghylch RAAC a gyhoeddir cyn bo hir.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Dawn.Bowden@llyw.cymru
Correspondence.Dawn.Bowden@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwy'n gobeithio y bydd yr wybodaeth hon yn ddefnyddiol ichi a diolch ichi am dynnu fy sylw at y mater hwn.

Yn gywir,

A handwritten signature in black ink, appearing to read 'Dawn Bowden'. The signature is fluid and cursive, with a large initial 'D' and a long, sweeping underline.

Dawn Bowden AS/MS

Dirprwy Weinidog y Celfyddydau, Chwaraeon a Thwristiaeth
Deputy Minister for Arts, Sport and Tourism